

# Matematika 2 – java e nëntë

## Seminaret

1. Vërtetoni që në qoftë se numrat natyrorë  $a$  dhe  $b$  janë reciprokisht të thjeshtë atëherë numrat  $11a + 2b$  dhe  $18a + 5b$  ose janë reciprokisht të thjeshtë ose  $PMP(11a + 2b, 18a + 5b) = 19$ .

2. Vërtetoni që për numrat e çfarëdoshëm natyrorë  $a$  dhe  $b$  vlen barazimi:

$$PMP(5a + 3b, 13a + 8b) = PMP(a, b)$$

3. Le të jetë  $n \in \mathbb{N}$ . Të gjendet  $SHVP(n(n+1)(n+2))$ .

4. Vërtetoni që për numrat natyrorë  $a$  dhe  $b$  vlen barazimi  $PMP(a+b, SHVP(a, b)) = PMP(a, b)$ .

5. Të gjendet numri më i vogël natyror  $n$ , i cili jep mbetjen 1 pas pjestimit me secilin nga numrat 2, 3, 4, 5, 6, 7, 8, 9 dhe 10.

6. Të gjendet numri më i vogël natyror  $n$ , i cili plotpjestohet nga numri 7 dhe jep mbetjen 1 pas pjestimit me secilin nga numrat 2, 3, 4, 5 dhe 6.

7. Duke përdorur algoritmin e Euklidit për gjetjen e  $PMP$  të dy numrave, të gjenden:

- (a)  $PMP(187321, 165148)$
- (b)  $PMP(32925409, 12258585)$
- (c)  $PMP(n^2 + 1, n + 1)$ , ku  $n \in \mathbb{N}$  dhe  $n > 2$ .

## Zgjidhjet

1. Le të jetë numri  $d$  një pjestues i përbashkët i numrave  $11a + 2b$  dhe  $18a + 5b$ . Atëherë numri  $d$  plotpjeston edhe numrin  $11 \cdot (18a + 5b) - 18 \cdot (11a + 2b) = 55b - 36b = 19b$ . Po kështu numri  $d$  plotpjeston edhe numrin  $5 \cdot (11a + 2b) - 2 \cdot (18a + 5b) = 55a - 36a = 19a$ . Pra  $19a|d$  dhe  $19b|d$ . M.q.s  $a$  dhe  $b$  nuk kanë faktorë të përbashkët kemi që  $d = 1$  ose  $d = 19$ .

Në rastin kur  $d = 19$  do kemi  $PMP(11a + 2b, 18a + 5b) = 19$  (kjo është edhe e mundur p.sh. për  $a = 1$  dhe  $b = 4$ ). Në rastin tjeter (pra kur numri 19 nuk është pjestues i përbashkët i numrave  $11a + 2b$  dhe  $18a + 5b$ ) kemi  $PMP(11a + 2b, 18a + 5b) = 1$  që do të thotë se numrat  $11a + 2b$  dhe  $18a + 5b$  janë reciprokisht të thjeshtë.

- 2.** Shënojmë me  $d_1$  një numër që plotpjiston numrat  $5a+3b$  dhe  $13a+8b$  dhe me  $d_2$  një numër që plotpjiston numrat  $a$  dhe  $b$ . Atëherë numri  $d_1$  plotpjiston numrin  $5 \cdot (13a+8b) - 13 \cdot (5a+3b) = 40b - 39b = b$  dhe po ashtu  $d_1$  plotpjiston numrin  $8 \cdot (5a+3b) - 3 \cdot (13a+8b) = 40a - 39a = a$ . Pra  $d_1$  plotpjiston numrat  $a$  dhe  $b$ , nga ku rrjedh që  $d_1 \leq PMP(a, b)$ . Duke marrë  $d_1 = PMP(5a+3b, 13a+8b)$ , kemi që  $PMP(5a+3b, 13a+8b) \leq PMP(a, b)$ .

Nga ana tjetër numri  $d_2$  plotpjiston edhe numrat  $5a+3b$  dhe  $13a+8b$ , meqenëse  $d_2$  plotpjiston numrat  $a$  dhe  $b$ . Nga këtu kemi që  $d_2 \leq PMP(5a+3b, 13a+8b)$ . Duke marrë  $d_2 = PMP(a, b)$ , kemi që  $PMP(a, b) \leq PMP(5a+3b, 13a+8b)$

Mosbarazimet e vërtetuara  $PMP(5a+3b, 13a+8b) \leq PMP(a, b)$  dhe  $PMP(a, b) \leq PMP(5a+3b, 13a+8b)$  implikojnë  $PMP(a, b) = PMP(5a+3b, 13a+8b)$ .

- 3.** Le të jenë  $n = p_1^{\alpha_1} \cdots p_k^{\alpha_k}$ ,  $n+1 = q_1^{\beta_1} \cdots q_l^{\beta_l}$  dhe  $n+2 = r_1^{\gamma_1} \cdots r_s^{\gamma_s}$  paraqitjet kanonike të numrave  $n, n+1$  dhe  $n+2$ , si prodhim faktorësh të thjeshtë. Në qoftë se numri  $n$  është tek atëherë bashkësitë  $\{p_1, \dots, p_k\}, \{q_1, \dots, q_l\}$  dhe  $\{r_1, \dots, r_s\}$  janë disjunktive, kështu që:

$$SHVP(n(n+1)(n+2)) = p_1^{\alpha_1} \cdots p_k^{\alpha_k} \cdot q_1^{\beta_1} \cdots q_l^{\beta_l} \cdot r_1^{\gamma_1} \cdots r_s^{\gamma_s} = n(n+1)(n+2)$$

Në rastin kur numri  $n$  është çift, atëherë numrat  $n$  dhe  $n+2$  kanë faktor të përbashkët të thjeshtë numrin 2. Të gjithë faktorët e tjerë të thjeshtë që figurojnë tek numrat  $n, n+1$  dhe  $n+2$  janë të ndryshëm mes tyre. Në qoftë se tek numri  $n$  faktori ka formën  $2^k$  atëherë tek numri  $n+2$  faktori 2 ka formën  $2^1$ . Po kështu në qoftë se tek numri  $n+2$  faktori ka formën  $2^k$  atëherë tek numri  $n$  faktori 2 ka formën  $2^1$ . Kjo sepse numrat  $n$  dhe  $n+2$  janë dy numra çift të njëpasnjëshëm, pra kanë paraqitjet  $4k+2$  dhe  $4k$  që do të thotë se numri i formës  $4k+2$  përmban  $2^1$  në paraqitjen e tij kanonike si prodhim numrash të thjeshtë. Kështu kemi:

$$SHVP(n(n+1)(n+2)) = 2^{\max(1,k)} \cdots p_k^{\alpha_k} \cdots q_l^{\beta_l} \cdots r_s^{\gamma_s} = \frac{2^{k+1} \cdots p_k^{\alpha_k} \cdots q_l^{\beta_l} \cdots r_s^{\gamma_s}}{2} = \frac{n(n+1)(n+2)}{2}$$

- 4.** Shënojmë me  $d = PMP(a, b)$ . Do kemi  $a = ud$ ,  $b = vd$ , ku  $PMP(u, v) = 1$ . Gjithashtu kemi  $SHVP(a, b) = uvd$ . Nga këtu rrjedh që:

$$PMP(a+b, SHVP(a, b)) = PMP((u+v)d, uvd) = PMP(u+v, uv) \cdot d = 1 \cdot d = d = PMP(a, b)$$

Shënim: Më përpara kemi vërtetuar që kur  $PMP(u, v) = 1$  atëherë  $PMP(u+v, uv) = 1$ .

- 5.** Nga të dhënat kemi që numri  $n-1$  plotpjestohet nga numrat  $2, 3, 4, 5, 6, 7, 8, 9, 10$  dhe  $n$  është minimal i tillë. Pra do kemi  $n-1 = SHVP(2, 3, 4, 5, 6, 7, 8, 9, 10)$ . Duke patur parasysh që  $2 = 2^1, 3 = 3^1, 4 = 2^2, 5 = 5^1, 6 = 2^1 \cdot 3^1, 7 = 7^1, 8 = 2^3, 9 = 3^2$  dhe  $10 = 2^1 \cdot 5^1$  do kemi  $SHVP(2, 3, 4, 5, 6, 7, 8, 9, 10) = 2^3 \cdot 3^2 \cdot 5^1 \cdot 7^1 = 8 \cdot 9 \cdot 5 \cdot 7 = 2520$ . Nga këtu kemi  $n = 2521$ .

- 6.** Numri  $n$  duhet të jetë i formës  $7k$  për ndonjë  $k \in \mathbb{N}$  dhe  $n-1$  duhet të plotpjestohet nga numrat  $2, 3, 4, 5$  dhe  $6$  ku  $n$  është minimal i tillë. Kështu do kemi  $7k-1 \in \{SHVP(2, 3, 4, 5, 6) \cdot l | l \in \mathbb{N}\}$ .  $2 = 2^1, 3 = 3^1, 4 = 2^2, 5 = 5^1, 6 = 2^1 \cdot 3^1$  implikojnë që  $SHVP(2, 3, 4, 5, 6) = 2^2 \cdot 3^1 \cdot 5^1 = 4 \cdot 3 \cdot 5 = 60$ . Mbetet që të gjendet numri minimal natyror  $k$  ashtu që  $7k-1$  të jetë i formës  $60 \cdot l$ , ku  $l \in \mathbb{N}$ . Për  $l=1, l=2, l=3$  dhe  $l=4$  kjo është e pamundur. Mbetet  $l=5$ , ku kemi  $7k-1 = 300 \Leftrightarrow k=43$ . Pra, numri i kërkuar  $n$  është i barabartë me 301.

7.

$$\begin{aligned}187321 &= 1 \cdot 165148 + 22173 \\165148 &= 7 \cdot 22173 + 9937 \\22173 &= 2 \cdot 9937 + 2299 \\(a) \quad 9937 &= 4 \cdot 2299 + 741 \\2299 &= 3 \cdot 741 + 76 \\741 &= 9 \cdot 76 + 57 \\76 &= 1 \cdot 57 + 19 \\57 &= 3 \cdot 19 + 0\end{aligned}$$

Nga këtu kemi  $PMP(187321, 165148) = 19$ .

$$\begin{aligned}32925409 &= 2 \cdot 12258585 + 8408239 \\12258585 &= 1 \cdot 8408239 + 3850346 \\8408239 &= 2 \cdot 3850346 + 707547 \\3850346 &= 5 \cdot 707547 + 312611 \\707547 &= 2 \cdot 312611 + 82325 \\312611 &= 3 \cdot 82325 + 65636 \\(b) \quad 82325 &= 1 \cdot 65636 + 16689 \\65636 &= 3 \cdot 16689 + 15569 \\16689 &= 1 \cdot 15569 + 1120 \\15569 &= 13 \cdot 1120 + 1009 \\1120 &= 1 \cdot 1009 + 111 \\1009 &= 9 \cdot 111 + 10 \\111 &= 11 \cdot 10 + 1 \\10 &= 10 \cdot 1 + 0\end{aligned}$$

Nga këtu kemi  $PMP(32925409, 12258585) = 1$ .

(c) Në qoftë se numri  $n$  është tek atëherë kemi:

$$\begin{aligned}n^2 + 1 &= (n - 1)(n + 1) + 2 \\n - 1 &= \left(\frac{n-1}{2}\right) \cdot 2 + 0\end{aligned}$$

Nga këtu kemi  $PMP(n^2 + 1, n + 1) = 2$ .

Në qoftë se numri  $n$  është çift atëherë kemi:

$$\begin{aligned}n^2 + 1 &= (n - 1)(n + 1) + 2 \\n - 1 &= \left(\frac{n-2}{2}\right) \cdot 2 + 1 \\\frac{n-2}{2} &= 1 \cdot \left(\frac{n-2}{2}\right) + 0\end{aligned}$$

Nga këtu kemi  $PMP(n^2 + 1, n + 1) = 1$ .